



Sarajevo, 25.07.2022. godine

Broj: 01/16-02-1505/22-1

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 26-07-2022			
Org. jed.	Broj	Priloga	Vrijednost

PREDSTAVNIČKOM DOMU  
PARLAMENTA FEDERACIJE BiH

Odbor za transport i komunikacije Predstavničkog doma Parlamenta Federacije BiH na 16. sjednici, održanoj 25.07.2022. godine, razmatrao je:

1. Informaciju JP Međunarodni aerodrom Sarajevo d.o.o. br. 01-01-2-2018-49/21 od 20.12.2021. godine;
2. Donošenje zaključaka sa tematske sjednice „Saobraćajna infrastruktura u FBiH“.

Na osnovu člana 44., a u skladu s članom 71. Poslovnika Predstavničkog doma Parlamenta Federacije BiH, Odbor podnosi sljedeći

#### IZVJEŠTAJ

##### 1. Informacija JP Međunarodni aerodrom Sarajevo d.o.o. br. 01-01-2-2018-49/21 od 20.12.2021. godine

Nakon obrazloženja direktora JP Međunarodni aerodrom Sarajevo d.o.o. br. 01-01-2-2018-49/21 od 20.12.2021. godine, te održane rasprave, prisutni članovi Odbora za transport i komunikacije jednoglasno su uzeli na znanje sadržaj ove Informacije u vezi realizacije Zaključaka Predstavničkog doma Parlamenta Federacije BiH, donesenih na 19. sjednici, održanoj 24.02.2021. godine (Vlada je dana 21.10.2021. godine donijela Odluku o prestanku važenja Odluke o putničkoj taksi – naknada za razvoj i unaprijeđenje avio prometa, te je ispoštovan dug prema uposlenicima MA Sarajevo, nastalog zbog smanjenja plata u vrijeme corona pandemije).

## **2. Donošenje zaključaka sa tematske sjednice „Saobraćajna infrastruktura u FBiH“**

Nakon održane rasprave svih prisutnih članova **Odbora za transport i komunikacije** o zaključcima sa tematske sjednice, održane 16.06. 2022. godine, jednoglasno su **usvojeni sljedeći**

### **ZAKLJUČCI**

1. Nakon održane tematske sjednice „Saobraćajna infrastruktura u Federaciji BiH“ i analize dobivenih izvještaja nadležnih javnih preduzeća, evidentno je neravnomjerno ulaganje po kantonima, kao i da je stanje cesta u Federaciji BiH zadovoljavajuće, ali nikako na nivou na kojem bi trebalo biti.

Zato ovaj Odbor insistira da se u budućnosti vrši pravednije ulaganje u cestovni saobraćaj, shodno privrednom razvoju kantona, broju stanovnika itd.

2. Vlada Federacije BiH nije ispoštovala ulaganje u JP Željeznice FBiH, pa tražimo da se izmiri postojeći dug, jer bi se stvaranjem boljih uvjeta u željezničkom saobraćaju i poboljšanjem željezničke infrastrukture rasteretio drumski saobraćaj, omogućio snažniji privredni razvoj, smanjila cijelna repromaterijala isl.

Predlažemo da se u Budžetu Federacije BiH planiraju veća sredstva za poboljšanje infrasatrukture željezničkog saobraćaja.


3. S ciljem unaprijeđenja i razvoja saobraćaja u svim oblastima, prijedlog ovog Odbora je da se u budućnosti razmotri mogućnost formiranja Direkcije za avio saobraćaj.

4. S ciljem postizanja ravnomjernijeg ulaganje u sve oblasti saobraćaja na području Federacije BiH, neophodno je pripremiti i donijeti Strategiju razvoja autocesta, željeznica i avio saobraćaja u Federaciji BiH sa preciziranim rokovima izvođenja radova.

5. Potrebno je od nadležnih zatražiti podatke o izdavanju upotrebne dozvole za postojeće izgrađene ceste i autoceste, a od onih koji nisu završili postupak dobivanja upotrebne dozvole, zatražiti da pokrenu taj postupak.

Tražimo da se Predstavnički dom izjasni o ovim zaključcima.

Na osnovu člana 53. Poslovnika Predstavničkog doma Parlamenta Federacije BiH, za izvjestioca na sjednici određen je predsjednik Odbora – Adin Huremović.

  
PREDSJEDNIK ODBORA  
Adin Huremović